

**Қазақстан Республикасы Парламентінің Мәжілісінде
«Қазақстан Республикасының 2017-2018 жылдары
БҰҰ Қауіпсіздік Кеңесіндегі мүшелігінің басымдықтары»
деген тақырыпта 2017 жылғы 13 наурызда өткен
Үкімет сағатының нәтижелері бойынша
ҰСЫНЫСТАР**

1. ҚР Сыртқы істер министрлігі БҰҰ Қауіпсіздік Кеңесінде тұрақты емес мүшелік барысында Мемлекет Басшысының сыртқы саяси бастамаларын және Қазақстан Республикасының мүдделерін іске асыру шеңберінде парламенттік дипломатия ресурсын пайдалануды жандандырсын. Парламентаралық алаңдарда қазақстандық парламентарийлердің сыртқы саяси басымдықтарды ілгерілетуі бойынша ұсыныстар әзірлесін.

2. ҚР Сыртқы істер министрлігі мүдделі мемлекеттік органдармен бірлесіп, БҰҰ аясында Жаһандық терроризмге қарсы коалицияны (желілерді) қалыптастыру үшін негіз ретінде халықаралық терроризмге қарсы іс-шараларды жүргізу кезінде Астана Ұстаным кодексін әзірлеуді жалғастырсын.

3. ҚР Сыртқы істер министрлігі Орталық Азияда бейбітшіліктің, қауіпсіздіктің, ынтымақтастықтың және дамудың өңірлік аймағы моделін қалыптастыру және халықаралық қоғамдастықтың Орталық Азия мемлекеттеріне өңірдің қауіпсіздігін қамтамасыз ету және оны дамыту үшін донорлық және техникалық көмек көрсетуі жөніндегі мәселелерді пысықтасын.

4. ҚР Сыртқы істер министрлігі БҰҰ-ның органдары мен мекемелерінде қазақстандық кадрлар өкілдігі деңгейін арттыру жөніндегі шараларды пысықтасын.

5. ҚР Сыртқы істер министрлігі ҚР Қорғаныс министрлігімен бірлесіп, Қазақстан Республикасының БҰҰ Қауіпсіздік Кеңесінде

тұрақты емес мүшелігі шеңберінде Мемлекет басшысы айқындаған басымдықтар тұрғысында БҰҰ бітімгершілік қызметіне тиімді қатысуын жетілдіру және дамыту жөніндегі мәселелерді пысықтасын.

6. ҚР Үкіметі, Сыртқы істер министрлігі Қазақстанның сыртқы саяси басымдықтарына сәйкес, ҚР Сыртқы істер министрлігінің, ҚР Қорғаныс және аэроғарыш өнеркәсібі министрлігінің мүмкіндіктерін ескере отырып, «Дамуға ресми көмек туралы» Қазақстан Республикасы Заңының нормаларын іске асыру және басқа елдерге тиімді гуманитарлық көмек көрсету бойынша жұмысты жалғастырсын. Алматы қаласында БҰҰ хабын қалыптастыру жөніндегі жұмысты жалғастырсын.

7. ҚР Сыртқы істер министрлігі тиісті мемлекеттік органдармен бірлесіп, халықаралық гуманитарлық көмек шеңберінде қазақстандық өнімді жеткізу бойынша БҰҰ-ның құрылымдарымен ынтымақтастықты жандандыру мәселелерін пысықтасын. Осы жұмыста Төтенше жағдайлар және дүлей зілзалалар қаупін төмендету жөніндегі Алматы орталығын пайдалануды жандандырсын.

8. ҚР Сыртқы істер министрлігі 2017-2018 жылдары БҰҰ Қауіпсіздік Кеңесінің тұрақты емес мүшесі ретіндегі Қазақстан Республикасының қызметі туралы Парламент Мәжілісінің депутаттарына кезең-кезеңмен (тоқсанына кемінде бір рет) ақпарат берсін.

9. ҚР Үкіметі, Сыртқы істер министрлігі ел Парламентінің ратификациялауын талап ететін, қол қойылған халықаралық шарттарды Қазақстан Республикасы Парламентінің Мәжілісіне алтыншы сайланымның екінші сессиясы кезеңінде енгізу жөніндегі шараларды қабылдасын.

10. ҚР Сыртқы істер министрлігі ҚР Ауыл шаруашылығы министрлігімен бірлесіп, трансшекаралық өзендердің су ресурстарын

пайдалану жөніндегі келіссөз процесін ғылыми-талдамалық қамтамасыз ету деңгейін арттыру жөніндегі шараларды қабылдасын.

11. ҚР Ұлттық қауіпсіздік комитеті, ҚР Қорғаныс министрлігі және басқа да тиісті министрліктер мен ведомстволар ҚР Сыртқы істер министрлігіне БҰҰ Қауіпсіздік Кеңесінің және Қазақстан басқаратын оның Комитеттерінің отырыстары күн тәртібінің Қазақстан үшін басым мәселелері бойынша ақпаратты уақтылы ұсынуды қамтамасыз етсін.

12. ҚР Сыртқы істер министрлігі ҚР Ақпарат және коммуникациялар министрлігімен бірлесіп, Мемлекет басшысының ұстанымдарын іске асыру бойынша Қазақстан Республикасының БҰҰ Қауіпсіздік Кеңесіндегі қызметін және БҰҰ Қауіпсіздік Кеңесінің республикамыз басқаратын Комитеттеріндегі қызметті ақпараттық жазып-көрсету жұмысын жүйелі негізде қамтамасыз етсін.